

समे – 12:25

<><><><><><>

PM

प्रधानमंत्री नरेन्द्र मोदी होर अज्ज चंडीगढ़ च 3 नमें अपराधिक कनूनें दी अमलावरी दी मजूदा स्थिति बारे राष्ट्र गी अवगत करोआंगन। एह कनून भारतीय नागरिक सुरक्षा संहिता ते भारतीय साक्षय अधिनियम न। इस ब'रे 1 जुलाई थमां पूरे देश च लागू कीते गे। इनें कनूनें दा उद्देश्य न्याय प्रणाली गी होर मता पारदर्शी, कुशल ते सिमकालीन समाज दी जरूरते दे अनुकूल बनाना ऐ। कार्यक्रम दा विषय ऐ—सजा थमां न्याय आले बदलाव दी पछोकड़ै च सुरक्षत ते विकसित भारत कार्यक्रम दरान नमें कनूनें दे व्यावहारिक पैहलुएं उप्पर बी लोह पाई जाग। एहदे राएं एह स्पष्ट कीता जाग जे इनें कनूनें राएं अपराधिक न्याय च केहड़े बदलाव आए न।

<><><><><><>

President Awards

राष्ट्रपति द्रौपदी मुर्मू होर अज्ज नमीं दिल्ली च अंतराष्ट्रीय दिव्यांगजन दिवस 2024 दे मौके पर 33 लोकें ते संस्थाएं गी दिव्यांग लोकें दा सशक्तिकरण च गैर मामूली योगदान देने लेई राष्ट्रीय पुरस्कार भेंट कीते। इस मौके पर समाजी न्याय मंत्री डॉ. विरेन्द्र कुमार होर दिव्यांगजने दे जीवन गी बेहतर बनाने लेई 16 नमियें पैहलकदमिं दी शुरुआत कीती। इनें उपाएं च दिव्यांगजनें दा समावेशन ते उंदे लेई नवाचार ते प्रौद्योगिकी दा इस्तेमाल शामिल हे। इस कार्यक्रम दा मकसद सरकारी ते गैर सरकारी प्रतिनिधिं ते माहिरें ते बक्ख—बक्ख हित धारकें गी किट्टे करना ऐ तां जे ओ समाजी बदलाव ते समावेशी समाज दे निर्माण च योगदान देई सकन।

<><><><><><>

Parliament Session

सरकार ते विपक्षी दलें संसद दे चला'रदे स्याले आले इजलास च सुचारू ढंगै सिर चलाने लेई सैहमति जाहर कीती।

लोकसभा दे अध्यक्ष ओम बिरला होरें बक्ख-बक्ख सियासी पार्टिएं दे नेताएं कन्नै बैठक लाई। बैठक दरान बिरला होरें सारे भिंबरें गी अनुरोध करीता जे ओह सदन दी कारवाई गी सुचारू ढंगै सिर चलन देन। बैठक च मजूद नेताएं सदन दी कारवाई निरविरोध चलाने च अपनी सहायता देने लेई सैहमति जताई। अज्ज सदन दे दौनें सदनें दी कारवाई अजें तगर सुखरू ढंगै सिर जारी ऐ।

<><><><><><>

PM-Rajesndra Prasad

प्रधानमंत्री नरेन्द्र मोदी होरें मुख्य दे पैहले राष्ट्रपति डॉ. राजेन्द्र प्रसाद होरें गी हुंदी जयंति पर श्रद्धांजलि भेंट कीती ऐ। प्रधानमंत्री होरें इक सोशल मीडिया पोस्ट च आखेआ जे डॉ. राजेन्द्र प्रसाद होरें संविधान सभा दे अध्यक्ष दे तौर पर भारतीय लोकतंत्र दी मजबूत नीह रखने च अनमूला योगदान दित्ता। मोदी होरें आखेआ जे संविधान दी 75मीं ब'रेगंड महोत्सव दरान डॉ. राजेन्द्र प्रसाद हुंदे आदर्श होर बी प्रेरणादायक होइ गे न।

<><><><><><>

Srinagar Encounter

श्रीनगर दे डाचीगाम आले जंगले व अपातंकवादिएं ते सुरक्षाबलें बश्कार होए दे टाकरे च इक आतंकवादी मारेआ गेआ ऐ। आकाशवाणी जम्मू संवाददाता दी रिपोर्ट मूजब इक टकोहदी सूह पर कारवाई करदे होई पुलस नै श्रीनगर दे हारवान आले इलाके च सेना दे सैहयोग कन्नै तपाशी अभियान चलाया। चिनार कोर ने सोशल मीडिया एक्स पर जानकारी दित्ती जे खूफिया जानकारी हासल होने पर सेना ते पुलस आस्सेआ सांझा अभियान चलाया गेआ। आतंकवादिएं दी छप्पने आली थाहर दी घेराबंदी कीती गई। टाकरे आली थाहर जंदे सारे रस्ते गी बंद कीता गेआ ऐ। तपाशी अभियान दरान गै गोलीबारी होई।

<><><><><><>

NCC

एनसीसी कैडेटें गी सिखलाई देने आस्तै तकरीबन 2 जहार साबका फौजिएं गी कम्में पर लाया जाग।

आकाशवाणी समाचार गी दित्ते गेदे इक इंटरव्यू च राष्ट्रीय कैडेट कोर दे महानिदेशक लैफ्टिनेंट जनरल गुरवीर पाल सिंह होरें आखेआ जे अग्निवीर योजना च एनसीसी कैडेट उत्साह कन्नै हिस्सा लै'रदे न। उनें आखेआ जे एनसीसी उनें कैडेटस गी सिखलाई बी देआ'रदी ऐ जेहड़े सेना च शामिल होना चाहंदे न। उनें आखेआ जे एनसीसी कैडेटें पर्यावरण सुरक्षा च बी हिस्सा लै'रदे न ते इस ब'रे 5 जून गी प्रधानमंत्री नरेन्द्र मोदी हुंदे आस्सेआ शुरू कीते गेदे राष्ट्रव्यापी बूहटें आले अभियान एक पेड़ मां के नाम च बी कैडेटस हिस्सा लै'रदे न।

<><><><><><>

RNU Annoncement

आकाशवाणी दा क्षेत्रीय समाचार एकांश जम्मू ओंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडलै साढ़े 9 बजे 30एं मिनटे दा इक विशेष कार्यक्रम प्रसारत कीता जाग जेहंदे क्षेत्रीय समाचार एकांश दी भूमिका, जिम्मेवारिएं ते कम्म करने दे तौर तरीके दे इलावा, इत्थे कम्म करी चुके दे अधिकारिएं कन्नै गल्लबात बी शामिल होग। अपने कर्मिएं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 ब'रे दे बेह्तरीन समाचार सम्पादक, डोगरी ते गोजरी दा बेह्तरीन समाचार वाचक ते अनुवादक, बेह्तरीन जिला संवाददाता ते जनरल स्टाफ श्रेणी च बेह्तरीन कर्मी शामिल ऐ। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैह्योग ते योगदान देने आलें गी बी सम्मानित कीता जाग।

<><><><><><>

Chess

विश्व शतरंज प्रतियोगिता च भारत दे ग्रैंड मास्टर डी.गुकेश होर मजूदा विजेता चीन दे डिंग लीरेन हुंदे कन्ने सिंगापुर च अपनी 7मीं बाजी फही खेडगन। एहू मकाबला भारतीय समें मूजब दपैहरी ढाई बजे शुरू होग। डिंग लीरेन होरें शुरूआती मकाबला जित्तेआ हा जिसलै कि गुकेश होरें त्री बाजी जित्ती। दुई, चौथी ते पंजमी बाजी ड्रा रेई।

<><><><><><>